

四庫全書

子部

欽定四庫全書

太平御覽卷三百三十七

宋 李昉等 撰

兵部六十八

攻具下

旒

鹿角

孤槍

弋

攻具下

通典衛公兵法攻城戰具篇曰作四輪車上以繩為卷
主牛皮蒙下可藏十人填隍推直抵城下可以攻掘奔
火木石所不能敗謂之積楹車

又曰以大木為牀下置六輪上立雙牙牙有檢梯節長
丈二尺有四枕枕相去三尺勢微曲遞牙相檢飛於雲
間以窺城中有上城梯首冠雙轆轤枕城而上謂之飛
雲梯

又曰大木為牀下安四獨輪牀上建雙陞間橫括中立

獨竿首如桔槔狀其竿高下長短大小以城為準竿首以窠盛石大小多少隨力所制人挽其端投之其推轉逐便而用之亦可埋脚著地而用其旋風四脚亦隨事而用之謂之拋車

又曰作轉軸車車上定十二日弩以鐵鉤繩連轉車行軸轉引弩持滿弦推牙上弩為七衢中衢大箭一鏃刃長七寸廣五寸箭幹長三尺圍五寸以鐵鏃音常為羽左右各三箭次小於中箭其牙一發諸箭齊起及七百步

所攻城壘無不摧損樓櫓亦顛墜謂之車弩

又曰以木為脊長一丈徑一尺五寸下安六脚下濶而上尖高七尺內可容六人以濕牛皮蒙之人蔽其下界直抵城下木石鐵火所不能敗用攻其城謂之尖頭木
廬

又曰於城下起土為山乘城而上古謂之土山合之壘道用生牛皮作小屋并四面蒙之屋中置運土人以防
攻擊者土山則孫子所謂距闕鑿地為道行於城下用攻其城往

往建柱積薪於柱間而燒之柱折城摧謂之地道

又曰以八輪車上樹高竿竿上安輓轆以繩挽板屋上
竿首以窺城中版屋方四尺高五尺有十二孔四面列
布車可進退圍城而行於營中遠視亦謂之巢車如鳥

之巢即今之版屋也以版為幔立桔槔於四輪車上懸

幔逼城堞間使趨捷

太白陰經曰使趨卒蔽之

蟻附而上矢石所不

能及謂之木幔

又守城篇曰禽滑釐問墨翟守戍之具墨翟荅以五六

十事皆煩冗不便於用其後韋孝寬守晉川羊侃臺城皆約封胡子伎巧之術法古不妙非今之用也今述所

便於事者如後渭浚

深

城增城懸門

懸門為重門也

又曰突門於城中對敵營自鑿城內為閘門多少臨事令五六寸勿穿武於中夜或於敵初或營列未定精騎從突門躍出擊其無備襲其不意

又曰塗扇以泥塗城門扇厚可三寸備火

又曰鑿門為敵所過門先自鑿門扇為數十孔出強弩

射之長矛刺之則敵不得近門

又曰塗棧以泥塗門上木棧厚可五寸備火

又曰轉關橋一梁為橋梁端着橫栝去其橋轉人馬不得渡皆傾水秦用此橋而殺燕丹

又曰積石備拋石大小隨事

又曰樓櫓却敵上建候樓以板為之跳出為櫓離戰隅於女牆上跳出椽去牆三尺內着橫栝椽端安轄以荆柳編為之長一丈闊五尺懸椽端用遮矢石

又曰布幔以複布為幔以弱竿懸挂於女牆外去牆外七八尺以折拋石之勢矢石不復及墻

又曰木弩以黃連桑柘為弩弓長一丈二尺徑七寸兩梢二寸以絞車張之太矢一發聲如雷吼敗隊之卒

又曰鷲尾炬縛葦草為炬尾分為兩歧如鷲尾狀以油臙灌之加火從城墜下便騎木驢而燒之

又曰松明以木明燒之夜以鐵鑠縋下巡城照敵人乘城而上

又曰脂油燭炬燃燈秉燭於城中四衝要路門戶晨夜不得絕明用備非常

又曰行爐融鐵汁燼昇行於城心以灑敵人

又曰遊火以鐵筐盛火加脂蠟鐵鎖懸絕下燒穴中孔城人

又曰灰越糠粃因風於城上擲之以眯敵人目因以鐵汁灑之

又曰連棒如打禾連枷狀用打女牆外上城敵人

又曰杈竿如槍刃為兩岐用杈飛梯及人

又曰鈎竿如槍刃兩旁有曲刃可以鈎搭

又曰油囊盛水於城上擲安火車中囊敗火盛

又曰天井敵人攻城為地道來乃自於城道上直下穿井以邀之積薪安井中以火薰之敵人自焦灼

又曰地聽於城內八方穿鑿井各深二丈令頭覆戴新瓮於井中坐聽則城外百步之內有孔城地道者並聽聞瓮中而辨知方所近遠矣

又曰鐵筴杖狀如鐵蒺藜要路水中置之以刺人馬

又曰陷馬坑坑長五尺濶一尺深三尺坑中埋鹿角槍

竹籤其坑十字相交狀如鈎鑊以覆芻草葦木加之土

種草實令生苗蒙覆其上軍城營壘要路皆設之

衛公兵法

曰坑如亞守相連以草及細塵覆其上

又曰拒馬槍以木徑一尺長短隨事十字鑿孔從橫安

括一作榆長一丈銳其端可以塞城門要路巷人馬不得

奔馳

又曰木柵為敵所逼不及築城壘或因山河險勢多石
少土木柱版堞乃建立木柵方圓高下隨事深埋木根
重複彌縫其闕內重加短木為閣道柱外重長出四尺
為女牆皆泥塗之內七尺又立閣道內柱上布板木為
棧立欄竿行於柵上懸門擁墻壕塹拒馬方守一如城
壘法

太白陰經曰蜀鑊鐵鑿蜀鑊短柄鑊也鐵鑿鑿井鑿也

檜

許慎說文曰檜建大木置石其上發為機以拒敵也從

方會聲

一云從
木會聲

左傳曰周桓王伐鄭鄭為三拒命二拒曰檜動而鼓

杜預

注曰檜旗也
執以為號令

魏武本記曰上與袁紹軍於官渡賊射營中行者皆被
甲衆皆恐上令傳言檜動而鼓

說文檜發石車也乃造發石車擊紹檜一日盡壞紹衆
號之霹靂車

沈懷文宋侍中趙倫之碑曰君戮力以致誠吐規以會
機一鼓則寇騎雲徹檜動則敵車霧消

鹿角

袁暉漢獻帝春秋曰揚州刺史劉馥上言荊州牧劉表
與會稽太守孫權謀襲京城遂湏許設鹿角砦

王沈魏書曰李通拜汝南太守玄德與周瑜圍曹仁於
江陵通率衆擊之下馬拔鹿角入圍且戰且前勇冠諸將
魚豢魏畧曰夏侯霸字仲權為偏將軍太和中在長安

及子午之後霸召為前鋒蜀人望知其是霸也指下兵
攻之霸手戰鹿角間賴救至然後解

魏志曰徐晃討雲長於樊關自將步騎五千出戰晃擊
之退走遂追與俱入圍破之或自投沔水死魏太祖令
曰賊為塹鹿角十重將軍致戰全勝遂陷賊圍將軍
之功踰孫武穰苴

虞溥江表傳曰曹公出濡須甘寧拔曹公鹿角踰壘入
斬數十人

王隱晉書曰馬隆為武威太守之郡作八陣圖地廣則
鹿角車營進攻則木屋抱輪並戰並前虜弗能逼

千寶晉記曰曹爽留車駕宿伊水南伐木為鹿角砦發
屯田兵數千人以為衛

習鑿齒漢晉陽秋曰曹芳謁曹叡墓於大石山曹爽兄
弟皆從於是司馬懿閉四城遂與太尉蔣濟俱屯於洛
水南浮橋奏罷爽兄弟不知所為芳還宿伊水南發屯
田數千人樹鹿角為營

晉惠帝起居注曰王浚乘勝追石超軍於斤丘超持重
不與戰以鹿角為營

晉起居注曰義熙六年築壘起城于祖浦石頭城施鹿
角以禦盧循

司馬彪戰畧曰遼東太守公孫淵反明帝召太尉司馬
懿討之軍到襄平公圍之北面東面有圍不合連車置水
中積石鎮其上以鹿角塞之

魏武帝表曰臣前遣討河內獲嘉之屯獲生口辭云河

內有一神人宋金生合諸屯皆云鹿角不須守吾使狗
為汝守不從其言者即夜聞有軍兵聲明日視屯下但
見虎跡臣輒部武猛都尉呂納將兵掩捉得生輒行軍
法

諸葛亮教曰前到武都一日鹿角壞刀斧十餘枚賴賊
已走若未走无所復用

晉宣帝教曰今日當將作四子人東為三軍作營塹壘
又當將斧三百枚破樹木作鹿角塞諸郵漏處

諸葛亮軍令曰敵以來進持鹿角兵悉却在連衝後敵已附鹿角裏兵但得進踞以矛戟刺之不得此住起住妨弩

魏武軍策令曰夏侯淵今月賊燒却鹿角鹿角去本營十五里淵將四百兵行鹿角因使士補之賊山上望見從谷中卒出淵使兵與鬪賊遂繞出其後兵退而淵未至甚可傷淵本非能用兵也軍中呼為白地將軍為督帥尚不當親戰况補鹿角乎

王曠與楊州論討陳敏計曰賊今下屯固橫江

又云復據烏江皆塹壘彭排鹿角步安嚴峻以襲歷陽
諸軍辛晒洛戍時與桓郎牋曰桓振武令下官將千二
百人掩襲營值天洪雨器仗沾濕塹廣深丈餘鹿角五
重樓櫓嚴設自四更三唱攻逼至小食時不剋

籟槍

張揖廣雅曰籟謂之籟槍

服虔通俗文曰剋葦傷盜謂之槍何承天纂文曰籟謂

籛槍

謝靈運自理表曰星言奔馳歸滑陞下及經山陰也方
衛彰赫彭排馬捨斷截衢巷

宋起居注曰秦始三年有司奏賊帥劉胡等旋南城蘭
道令馬步萬餘人樹排槍陌山從東五道直來攻營

杜預秦川軍事曰臣嘗聞邊人說虜專以騎為寇穿塹
不如作馬塹馬塹法坑方三尺錯平穿之虜騎非下馬
平治則終不得入又其外蹊要路亦可隨作塹施槍塹

中訖薄覆其上如此則虜當築地而行不敢輒往來也
蔡謨與何驃騎書曰公失櫓上人吾亦具之矣在深草
中立櫓無故以櫓自標令賊見之而自不得見賊賊不
病癡何故不來取耶今令數百步內皆露見布竹蓑如
蝟毛賊不能飛何得卒至邪

弋

張揖埤蒼曰拱大弋也

許慎說文曰檝弋也檠弋也


太公六韜曰委環鐵弋鐵長三丈三尺

左傳曰齊人戰獲臧堅使宿沙衛唁之曰無死堅曰使刑臣禮於士以杙扶其傷而死

司馬彪戰畧曰遼東太守公孫淵反太尉司馬討之軍到襄平去城百步穿重塹豎連柵安諸營立樓櫓其近水沙地不得作圍塹用車輪以大弋椽穿中又豎輪障其前

韋昭吳書曰賀齊討賊陳璞於林歷山山四面壁立不

可攻齊乃陰作鐵弋於賊不備處以弋拓山為道夜潛
上破賊



太平御覽卷三百三十七

欽定四庫全書

子部

太平御覽卷三百

三十八至
四十一

詳校官中書臣葉元符

員外郎臣牛稔文覆勘

總校官降調編修臣倉聖脈

校對官中書臣李荃

謄錄監生臣孫懋祖

欽定四庫全書

太平御覽卷三百三十八

宋 李昉等 撰

兵部六十九

金鼓

鞞

鞞

鏡

鈴

鐸

刁斗

欽定四庫全書

太平御覽

柝

角

徐廣車服儀制曰角前世書記所不載或云本出羗胡吹以驚中國之馬或云本出吳越

晉書安帝記曰桓玄置龍頭角或曰所謂亢龍角者也
晉中興書曰大司馬桓溫屯中堂夜吹警角御史中丞司馬恬奏劾大不敬請治罪

又庾翼與燕王書曰今致畫角一雙孔雀毼二枚

宋書曰張興世父仲子由興世致位給事興世欲將往襄陽愛鄉里不肯去嘗謂興世曰我雖田舍老公樂聞鼓角汝可送一部行田時欲吹之興世素恭謹畏法譬之曰此是天子鼓角非田舍公所吹

三國典略曰初魏世山崩得三石角藏於武庫至是齊主入庫賜從臣兵器持此角賜平秦王歸彥曰爾事常山不得反事長廣得反反時將此角嚇漢也

史筌武昌記曰武昌有硯山欲陰雨上有聲如吹角

辛氏三秦記曰河西有沙角山山頭頽沙則鼓角鳴

異苑曰晉孝武太元末帝每聞手中箱中有鼓吹鞞角響於是請僧齊會夜見一臂長三尺許手長數尺來慕經帙帝是歲崩天下大亂

幽明錄曰晉司空郝方回葬婦於驪山使會稽郡吏史澤治墓多平夷古墳復壞一塚構制甚偉噐物殊盛塚發聞鼓角聲角聲自是多如此

陶侃表云奉獻金口角

石勒別傳曰石勒永康中流宕山東寄旅平原師勸家
傭耕耳恒聞鼓角鞞鈔鐸之音勒異之

世說曰樂廣有親客久濶不復來樂問所以答曰前在坐
蒙賜酒方欲飲見杯中有蛇意甚惡之既飲而疾于時
河南廳事壁上有角角邊漆畫作蛇樂疑是角影入
杯中復令置杯酒於前處謂曰君更省酒中復有所見
不答曰所見如初樂乃告其所以客豁然意解沉痾頓

消

又一本
云角弓

語林曰陸士衡為河北督兵已被間搆內懷憂懣聞衆軍警鼓吹角謂其司馬孫極曰我今聞此不如華亭鶴鳴

谷倫角賦曰夫角以類推之蓋黃帝會羣臣於太山作清角之音似兩鳳之雙鳴若二龍之齊吟如丹蛇之翹首似雄蛇之帶矢

衛公兵法曰夫軍城及屯營行軍在外日出日沒時搥鼓一通要三百三十椎為一通鼓音止角音動吹十二

聲為一疊角音止鼓音動如此三鼓三角而昏明畢

又曰諸大將置鼓四十面于總管給鼓十面營別給鼓
一面行即負隨纛下擬晝夜及在道有警急擊之傳響
令諸軍嚴警兼用防備賊侵逼如軍行引之時先軍卒
逢賊寇先軍即急擊鼓救中腰逢賊即須擊鼓前軍聞
聲便住後軍聞聲須急向前赴救後頭逢賊即擊鼓前
頭中腰聞聲即須住並量抽兵相救如發引稍長鼓聲
不徹中腰支料更須置鼓傳響使傳後得聞其諸營自

須著鼓一面用防夜中有賊犯營即急擊令諸軍有警備

又曰諸行軍立營數則萬計或逢沈溺或阻山河同聽角聲懼共齊發路狹難進從我馬驢應發營第一角聲絕右虞候促馬驢第二角聲絕即被駕右一軍促馬驢第三角聲絕右虞候即發引右一軍被駕右二軍促馬驢第四角聲絕右一軍即發引右二軍被駕以後諸軍每聽角聲裝束被駕准此每營各出一戰隊今取虞候

進止防有賊至使用騰擊後如其路便細小即須更有角聲仍令虞候及營官人虞候子排比催督急過不得停擁過訖以后軍准前排比併催迫急過

金鼓

釋名曰校號也將帥號令之所在也節為號令賞罰之節也鐸度也號令之限度也金鼓金禁也為進退之禁也

又曰顯允方叔伐鼓淵淵振旅闐闐

詩曰方叔率止鉦人伐鼓陳師鞠旅

周禮曰鼓人掌教六鼓以雷鼓鼓神祀

雷鼓八面鼓也

以靈鼓

鼓社祭

靈鼓六面鼓也社祭祭地祇也

以路鼓鼓鬼享

路鼓四面鼓也享宗廟也

以

賁鼓鼓軍事

大鼓謂之賁鼓長八尺

以鼙鼓鼓軍事

鼙大鼓也長丈二尺也

以晉鼓鼓金奏

晉鼓長六尺六寸金奏謂樂正擊編鐘也

左傳曰凡師有金鼓曰伐無曰侵

又曰吳子使其弟蹶由犒師

犒勞也

楚人執之將以鼙鼓

王使問曰汝卜來吉乎對曰吉寡君聞君將治兵於敝邑

卜之以守龜曰余亟使人犒師請行以觀王怒之疾徐而為之備尚克知之龜兆告吉曰克可知也君若驩馬好逆使臣滋敝邑休息而忘其死亡無日矣今君奮馬震電憑怒虐執使臣將以釁鼓則吳知所備矣乃釋之

又曰密湏之鼓與其大輅文王所以大蒐也

又曰簡子曰吾伏弋嘔血鼓音不衰今日我上也

功為上也

又曰吳伐齊將戰公孫夏命其徒歌虞殯陳子行命其徒具含玉陳書曰此行也吾聞鼓而已不聞金矣

鼓以進軍

金以退軍不聞
金言將死之也

國語曰越甲至齊雍門子狄請死之齊王曰鼓鐸之聲
未聞矢石未交長兵未接子何務死焉

後漢書曰光武徇河內韓歆議欲城守岑彭止不聽既
而光武至懷歆迫急迎降光武知其謀大怒收歆置鼓

下將斬之

中將軍最尊自執旗鼓若置營則立
旗以為軍門并設鼓譟人必於其下

召見彭

彭因進說乃貫歆

東觀漢記曰段熲起於徒中為并州刺史有功徵還京

師頰乘輕車介士鼓吹曲蓋朱旗騎馬拂天蔽日錚鐸
金鼓雷振動地連騎繼跡彌數十里

齊地記曰城東有上祠山上有石鼓舊說云將有寇難
則鼓自鳴所以豫警備也

吳興記曰長城縣有夏架山石鼓盤石為足長老云鳴
聲如金鼓則三吳有兵

東方朔傳曰朔初上書曰臣朔少失父母長養兄嫂年
十三而學三冬文史足用十五學擊劍十六學詩書誦

二十萬言十九學孫吳兵法戰陣之事鉦鼓之教

周髀曰十人之長執銅百人之師執鐸十人之師執鼙
萬人之將執大鼓

吳氏春秋曰金鼓所以一耳也法令所以一心也

又曰周宅鄆鄆近犬戎與諸侯約高堡置鼓其上遠近
相聞戎寇至傳鼓相告諸侯之兵皆至救天子褒似之
笑也因數擊鼓諸侯兵數至而無寇後戎寇真至幽王
擊鼓諸侯兵不至幽王之身乃死于驪山之下為天下

笑

韓侯曰吳使沮衛獻蟲蠹於荆師荆師將殺之以釁鼓
衛曰死者無知則釁無益若有知戰之時臣使鼓不鳴
因不殺之

孫子曰是故軍攻曰言不相聞故為鼓鐸視不相見故

為旌旗

故夜戰多金鼓
晝戰多旌旗

夫金鼓旌旗所以一人之耳目

也人既專一則勇者不得獨進怯者不得獨退此衆之
法也

抱朴子曰軍始發大風甚雨起於後旌旗前指金鼓清
鳴必勝

黃帝出軍決曰牙旗者將軍之精金鼓者將軍之氣一
軍之形候也

唐子曰將勿離鼓旗鼓旗者將之耳目也

徐幹齊都賦曰王乃乘華玉之路駕駁之驟翠握浮遊
金光皎旰戎車雲布武騎星散鈺鼓雷動旌旗虹亂

陸雲南征賦曰戎士肅而啓行三軍分而雜還長角哀

吟以命旅金鼓訇隱而砰磕

孫惠祭金鼓文曰赫矣皇威用伐不庭金鼓磨旗以昭其聲

鞞

釋名曰鞞裨也裨助鼓節也

鞞補彌也

呂氏春秋曰倭作鼓鞞

鄭緝之東陽記曰晉隆安中孫恩遣偏師謝攻東陽東陽岑山下民聞嶺上有鼓鞞聲若數萬人咸破潰而山

之上鼓鞞亦絕

鞞

鬻子曰禹之治天下也懸五聲以聽曰語寡人以獄訟

者揮鞞

挑音

呂氏春秋曰僂作鞞

又曰武王有誠慎之鞞

欲誠者
搘鞞鼓

鏡

說文曰鏡小鉦也

周禮曰六鼓四金以金罇和鼓以金鐃節鼓以金鐸通

鼓

鐃音濁鉦也軍行
鳴之以為鼓節

鈴

說文曰鈴丁也從金令聲

左傳曰揚鑿和鈴昭其聲也

魏志曰安平太守宅老鈴下作怪為烏鵲鬪蓋公府閣
有綴鈴下有吏者也

風俗通曰鈴柄施縣魚魚者狀君臣沈靜如魚之入水

不可復得聞見耳

集異記曰廣陵士甲市得一宅但聞中有捶鈴聲夜輒上後遂見其真形乃是其故人問曰何以常捶鈴答曰我典使君藥物故夜持時耳問曰晝日何以不持時曰白日是死道之夜因別而去

鐸

三禮圖曰鐸其匡以銅為之木舌為木鐸金舌為金鐸也

說文曰鐸大鈴也

釋名曰鐸度也號令之限度也

王隱晉書曰荀勗逢趙郡商賈於路懸鐸於牛識其聲馬及後為樂勗曰趙之牛鐸則善諧矣於是下郡悉送果有諧者世伏其才明

晉書載記曰石勒少時常傭耕每聞鞞鐸之音歸以告其母母曰作勞耳鳴非不祥也

鬻子曰禹之治天下也以五聽令於箕箒曰教寡人以

事者振鐸

文子曰老子云鳴鐸以聲自毀膏燭以明自消

刁斗

纂文曰刁斗持時鈴也

漢書曰李廣行師不擊刁斗以自衛

孟康曰以銅為鑊器受一斗晝炊飲

食夜擊持行夜銘曰刁斗在滎陽
庫形如銷即鈹也今俗呼銅鈹

漢名臣奏曰漢興以來深存古義宮殿省闈至五六重

周衛刁斗

柝

說文曰柝夜行所擊木也

易繫辭曰重門擊柝以待暴客蓋取諸豫

周禮曰野廬氏有賓客則令守涂地之人聚柝之

漢書舊儀曰宮中衛宮城門擊刁斗傳衛衛士周廬擊木

柝

張衡東京賦曰故函谷擊柝於東西

柝守夜擊木也

太平御覽卷三百三十八

欽定四庫全書

太平御覽卷三百三十九

宋 李昉等 撰

兵部七十

叙兵器

牙

叙兵器

禮記曰冕弁兵革藏於私家是謂脅君

周禮曰司兵掌五兵

五兵者戈 矢 戟 矛 牟夷

左傳曰孔文子將攻太叔訪于仲尼仲尼曰簞簞之事則嘗聞之矣兵甲之事未之學也

春秋佐助期曰太尉主甲卒神名辨會曰庫兵動鼓自鳴諸侯得衆也

漢書曰兵不銳利與空手同甲不堅密與袒裼同弩不及遠與短兵同射不能中與亡矢同中不能入與亡鏃同此將不省兵之禍也

又曰韓延壽在東郡試騎士治飾兵車畫龍虎建幢棨

植羽葆古車又取官銅候月蝕鑄作刀劍倣尚方蕭望之以為僭上不道棄市

又曰李陵至浚稽山與單于相值圍陵軍居兩山間以車為營陵引士營外為陳前行持戟楯后行持弓弩東觀漢記曰盆子降鎧甲兵弩積城西門高與熊耳山等

又曰王莽之遣王尋王邑也欲盛威以震山東甲衝鞠干戈旌旗甚盛

又曰鄧遵水初中遷度遼將軍討擊羗虜斬首八百餘級得鎗弩刀矛戟楯楯首二三千枚

又曰吳漢性忠厚篤於事上自初從征伐常在左右兵有不利軍營不如意漢常獨膳激揚吏士

吳志曰賀齊性奢侈尤好軍事兵甲器械極為精好干櫓戈矛葩爪文畫弓弩矢箭咸取上材

王隱晉書曰羊祜表伐吳曰勁弩長弓不如中國長矛楯戟不如中國馬騎陵厲不如中國吳唯便水戰一

入其地則長江非復吳有

晉起居注曰成帝咸和元年四月乙丑詔曰作瑯琊王大車斧六十枚侍臣劔八枚將軍手戟四枚

三國典略曰梁邵陵王綸篤好書史妙工草隸為丹陽尹擅造甲仗梁武帝知之綸並沉于江中及是出征噐械並闕乃獨嘆曰吾昔聚仗本備非常朝廷見疑逼使分散今日討逆卒無所資

太公六韜曰春以長矛在前夏以大戟在前秋以弓弩

在前冬以刀楯在前此四時應天之法也

太公金匱曰武王曰五帝之時無守戰之具國存者何
太公曰守戰之具皆在民間耒耜者是其弓弩也鋤爬
者是其矛戟也簷笠者是其兜鍪也鑪斧者是其攻戰
之具也雞狗者是鈺鼓也

古司馬兵法曰兵不雜則不利長兵以衛短兵以守太
長則犯太短不及太輕則銳銳則易亂太犯則不齊

長兵

短相衛太長太輕者不如法也犯者觸柱也故不齊
不及者遠於利也銳者不固則破故奔此擾亂也

又曰弓矢圍笈矛守戈戟助凡五兵當長以衛短短以

救長迭戰則久皆戰則彊

李氏曰迭更也言更或更息則可堪久悉舉軍戰衆多者

彊

軍令曰始出營豎矛戟舒幡旗鳴鼓角行三里辟矛戟
結幡旗鳴鼓角未至營三里復翌矛戟舒幡旗鳴鼓角
至營復結幡旗止鼓角違令者髡

呂氏春秋曰古之至兵士民未合而威已踰矣敵已服
矣豈必用柶鼓干戈哉

淮南子曰兵革鎗麾金鼓鈇鉞所以飾怒也

又曰所謂兼國有地者伏尸數十萬破車以千百數傷

弓弩矛戟矢石之創者扶輿於路故世至枕人頭食人

肉菹人肝飲人血甘之於猫豢牛羊

猫牛肉豢豕肉

故自三代

以後者天下未嘗得安其情性而樂習俗保其修命而不夭於人虐也所以然者何諸侯力政天下不合而為一家也

又曰齊桓公將欲征伐甲兵不足令有重罪者出犀甲

一戟

犀甲收其堅也戰車也長丈六尺犀或作三有出三甲也

有輕罪者贖以金分

輕小以金分 outcomes 道罪至重有分兩也

說而不勝者出一束箭

不勝猶不直也箭十

二為束也

百姓皆說乃矯箭為矢

矢箭之竿好者也

鑄金而為刃

五刃

刃也劍矛矢也

以伐不義而征無道遂霸天下

崔寔政曰論兵器精利有蔡太僕之弩龍亭之劍至今擅名天下

陸機要覽曰東弓南矛西劍北戟北中鼓亦曰四兵

鹽鐵論曰強楚勁鄭有犀兕之甲堂谿之捷內據金城

外任利兵是以威行諸夏強伏敵國故孟賁畜臂衆人輕之怯夫有備其氣倍以吳楚之士舞利劍躡強弩以與貉虜騁於中原一人當有百不足道之也

邯鄲五經折疑駁曰矢絕於弦不可追止執戟在手制之在人

山海經曰天地東西二萬八千里南北二萬六千里出銅之山四百六十七出鐵之山三千六百九十此天下之所分壤樹穀也戈戟之所發也刀鋌之所起也能者

有餘拙者不足

干寶搜神記曰晉元康中婦人以金銀象角瑇瑁為斧
鉞戈戟而戴之以當笄蓋妖之大者也

樊文淵七經義綱格論曰車上五兵戈父車戟酋矛牟
夷步卒五兵戈父車戟酋矛戟

魏文典略曰昔周有雍狐之戟屈盧之矛孤父之戈上
世名器

又曰抱朴子曰劒戟不能於縫衣佳饌不可飼牛馬

又曰陳吳之徒奮劍而大呼劉項之倫揮戈而颯駭
又曰或問辟五兵之道抱朴子荅曰吳大皇帝曾從介
先生受要道云但知北斗姓氏及日月名字便不畏白
刃大皇帝以試告左右數十人常為先登陷陳皆不傷
也鄭君云但誦五兵名亦驗矣刀名大房虛星主之矢
名防隍熒惑主之弓名曲張角星主之弩名遠望張星
主之戟名大將參星主之臨戰時嘗細祝之或以五月
五日作赤靈符着心前或丙午日日中作燕軍龍虎三

囊符歲易之歲符歲易月符月易日符日易或佩西毒
兵信符或佩南極爍金符或取牡荆以作六陰神將符
指敵人或以月蝕時刻三歲蟾蜍喉下之有八字者血
以書所將之刀劍或交鋒之際乘魁履岡呼四方之長
亦有明效也

魏文帝校獵賦曰托冲天之素旄兮靡格澤之修旃雄
戟趙音皇而躍厲兮黃越扈而揚鮮

又曰千乘亂擾萬騎奔走經營原隰騰越峻岵彤弓斯

設戈鋌具舉

徐幹齊都賦曰矢流鏑絰

胡卦切

張羅攢飛鋌抱雄戈

繆襲藉田賦曰靈旂蔚以燾冪兮雄戟偁以嵯峨彎枉
矢於狼狐兮建黃鉞於匏瓜

繁欽征天山賦曰有漢丞相武平侯曹公仗節東征觀
六軍於三江浮五湖以耀武左駢雄馬右攢干將彤弧
朱矰丹羽絳房望之如火映奪朝陽

應璩詩曰放戈釋甲胄乘軒入紫微從容侍帷幄光輔

日月暉

崔駟安豐侯詩曰被兕甲兮跨良馬揮長戟兮曠強弩
曹植詩曰皇考建世業余從征四方櫛風而沐雨萬里
蒙露霜劒戟不離手鎧甲為衣裳

魏元帝董逃行曰曩背大河南轅跋涉遐路湯湯師徒
百萬譁誼戈矛若林成山旌旗拂日蔽天

應璩書曰左執屈盧之勁矛右秉干將之雄戟高冠拂
雲長劒耿介簫管振音厥聲載路馮軾虎視清風震疊

可謂堂堂乎難與並為仁也

太白陰經曰工欲善其事必先利其器器之於事如影之隨形響之應聲其相須如左右手故曰器械不精不可言兵五兵不利不可舉事上古庖犧氏之時弦木為弓剡木為矢神農氏之時以石為兵

尚書曰砮石中矢鏃黃帝之時以玉為兵蚩尤之時爍金為兵割革為甲始制五兵建旗幟樹夔鼓

又曰鼓以佐軍威

又曰纛六口大將中營建出引六軍古者天子六軍諸侯三軍今天子十二諸侯六軍故纛有六以主之

又曰門旗二口色紅八幅大將牙門之旗出引將軍前列

又曰門槍二根以豹尾為刃榼出居紅旗後止居帳門前左右安立

又曰五方旗五口各具方色大將中營建出六纛後在營亦於纛後隨方而建

又曰嚴警鼓一十二面大將營前左右行列各六面在
燾後

又曰角十二具於鼓左右後列各六具以代金

又曰隊旗二百五十面尚色圖禽與本陣同五幅

又曰刃二百五十口尚色圖禽與諸陣不同各自為誌
認出居隊後恐士卒交雜

又曰陣將門旗各任所色不得以紅恐雜大將軍

又曰陣將鼓一百二十五面恐設疑驚敵用

又曰甲六分七千五百領

又曰戰袍四分五千領

又曰槍十分一萬二千五百根恐揚兵縛筏用

又曰牛筋排二分二千五百面馬軍以團牌代四分支
又曰弩二分弦三幅箭一百分二千五百張弩七千五
百條弦二十五萬隻箭

又曰弓十分弦三副箭一百五十分一萬二千五百張
弓三萬七千五百條弦三十七萬五千隻箭射甲箭五

萬隻

又曰生鈇箭二萬五千隻長箭塚箭

又曰弓袋胡鹿長弓袋並一萬二千五百副

又曰佩刀八分一萬口

又曰陌刀二分二千五百口

又曰楛二分二千五百張馬軍及陌刀並以啄錐鉞斧

袋各四支分

又曰搭索二分二千五百條馬軍用也

牙

兵書曰牙旗者將軍之精凡始豎牙必以制日制日者謂上尅下日也立牙之日吉氣來應大勝之徵凶氣先應破軍殺將

黃帝出軍決曰始立牙之日喜氣來應旗幡指敵或從風舉揮揮終日繞竿勇氣奔逸是謂堂堂之陣此大勝之徵

又曰有所攻伐作五采牙幢青牙旗引住東赤牙旗引

住南白牙旗引住西黑牙旗引住北黃牙旗引住中

又曰始立牙之日凶氣先應旗旛皆垂或逆風滂淖牙竿摧折旗旛絕裂還繞繳竿如此終日勢弱

又曰將軍出兵有所討伐引兵出城門望見白雲及白水者舉白牙旗隨天氣四時也

真人水鏡經曰凡軍始出立牙竿必令先豎若有折將軍不利牙旗竿軍之精也即周禮司常職云軍旅會同置旌門是也

抱朴子曰軍始舉牙立旗風氣和調播校飄終日不息者其軍有功

魏志曰典韋初為張邈士屬司馬趙寵牙門長大莫能勝韋一手建之寵異有才力

吳志曰陸遜為右部督會丹陽賊帥費棧扇動山越權遣遜討棧棧支黨多所往兵少遜乃益施牙幢分布鼓角夜潛山谷間鼓譟而前應即破散

又曰黃武八年夏黃龍見樊口於是權稱尊號因瑞改

元又作黃龍大牙常在中軍諸軍進退視其所向命胡
綜作賦

吳書曰賀齊從上討合肥時城中出戰徐盛失牙齊別
拒擊得盛所失牙

晉書曰陸機始臨戎而牙旗折意甚惡之後戰軍果大
敗

魏書曰奚斤代人也魏初大將行師唯長孫嵩拒劉裕
及斤征河南獨給漏刻及二十牙旗

吳胡綜大牙賦曰狼弧垂曜實惟兵精聖人觀法是效
是營始作器械爰求厥成明明大吳實天生德乃律天
時制其神軍取象太乙五將二門疾則如電遲則如雲
進止有度約而不煩四靈既布黃龍處中周制日月實
曰大常桀然特立六軍所望

後漢滕輔祭牙文曰恭羞太牢潔薦遐靈推轂之任實
討不庭天道助順正直聰明

晉袁宏祭牙文曰天生五才治道所司廢一不可撥亂

輔時赫赫晉德乃武乃文中世不競王度暫屯戎狄滑
夏度劉生民蠢爾東胡被髮左衽思我皇澤稽首海裔
受爵納貢服膺累世後嗣不恭實叛實戾侵我神畿隔
我嘉惠哀彼黎民嬰此彫殘况荷大寵任其艱難慨然
發憤撫劍忘飡敢建高牙烈烈桓桓

晉顧愷之祭牙文曰維年月日錄尚書事豫章公裕敢
告黃帝蚩尤五兵之靈兩儀有正四海有王晉命在天
世德重光烈烈高牙闐闐伐鼓白氣經天闐揚神武

宋王誕伐廣固祭牙文曰敬建崇牙顯茲威靈使鳴金
輟霧先戰有寧皇風幽被凱旆歸旌

宋鄭鮮之祭牙文曰潔牲先事薦茲敬祭崇牙既建義鋒
增厲人鬼一揆三才同契惟茲靈鑒庶必有察逆順幽
辨忠孝顯節使凶醜時殲主寧臣悅振旅上京凱歸西
蕃神器增暉四境永安

唐陳子昂禡牙文曰蓋先王作兵以討有罪姦慝竊命
戎夷不恭則必肆諸市朝大戮原野皇家子育萬國寵

綏百蠻青雲干呂白環入貢久有年矣契丹凶羯敢亂
天常乃蜂聚九山豕食遼塞宴安鳩毒作為撓搶天厭
其凶國用致討皇帝命我肅將王誅今大軍已集吉辰
協應旄頭首建羽旆前列夷貊感威將士聽誓方俟天
命為民殄災惟爾有神尚殲乃醜召太一會雷公翼白
虎乘青龍星流彗掃水清朔裔使兵不血刃戎夏大同
以昭我天子之德允乃神人之功豈非正直克明無縱
大讎以作神羞

太平御覽卷三百三十九

欽定四庫全書

太平御覽卷三百四十

宋 李昉等 撰

兵部七十一

常

旂

旃

物

旗

旗

旒

旒

旌

常

釋名曰九旗之名日月為常畫日月於其端天子所建言常明也
尚書曰惟乃祖乃父世篤忠貞服勞王家厥有成績紀于太常
周禮曰日月為常十二旒

河圖曰風后曰予告汝帝之五旗東方法青龍曰旗南
方法赤鳥曰旒西方法白虎曰旗北方法玄蛇曰旂中
央法黃龍曰常

國語曰吳王會晉於潢池吳王白常白旂赤常赤旂
文選曰建辰旒之太常

又曰建太常兮排排

旂

釋名曰交龍為旂奇也畫作兩龍相依倚也通以一赤
色為之无文采諸侯所建也

爾雅曰有鈴曰旂

郭璞注曰懸鈴竿
頭畫交龍旂旒

詩曰王錫韓侯淑旂綏章龍旂陽陽和鈴央央

又曰旂旒中央

禮記月令曰天子春載青旂夏載赤旂秋載白旂冬載
玄旂

周禮曰交龍為九旂諸侯所建

左傳曰周分魯大路大旂

又曰三辰旂旗昭其明也

三辰日月星也

旂

釋名曰旂戰也戰戰恭已而已三孤所建象无事也

說文曰旃曲柄也所以招士衆也

世本曰黃帝作旃

爾雅曰因章曰旃

郭璞曰以白絹為之不畫也

周禮曰通帛為旃

大赤周正赤元所飾狄所建也

左傳曰城濮之戰亡大旆之左旃

旃旗名擊旃曰旃

祁瞞奸命

當此之事而不治為事令也

司馬殺之以徇于諸侯

漢書曰田蚡

音慎

前堂羅鍾鼓立曲旃

如淳曰通白為旃蘇林曰柄上曲也

孟子曰招庶人以旃

西京賦曰虹旃蜺旌

又曰樹修旃

羽獵賦曰立歷天之旗曳捎星之旃

物

釋名曰雜帛為物以雜色綴其邊為翅尾也將帥之所建也

禮含文嘉曰物以色應其名也物以類應其方也

左傳曰為教為宰擇楚之令典軍行右轅左追蓐

古者行軍

右為軍備左者
追草為宿備

前茅慮無

如今斤猴持絳及白旗見騎賊舉絳旗見步賊舉白旗備

不虞有無茅明也或云楚以茅為旌旗也

中權後勁

中軍制謀後以精兵為殿也

百官象

物而動軍政不戒而備能用典矣

旗

釋名曰熊虎為旗期也將軍所建象其猛如熊虎與眾期其下也

禮記曰龍旂九旒天子之旌也

又曰行前朱鳥而後玄武左青龍而右白虎招搖在上

急繕其怒

注曰以此四獸為軍陣象天也畫搖招星于旌旗上以起居堅勁軍之威怒

周禮曰司常掌九旗之物名各有屬以待國事日月為

常交龍為旂通帛為旃雜帛為物熊虎為旗鳥隼為旗

龜蛇為旐全羽為旟析羽為旌

物各有所畫異物亦異名也

又曰龍旂九旒以象大火也

交龍為旗諸侯所建也大火蒼龍宿之心也其屬隼

尾九星也鳥旗七旒以象鶉火也

鳥隼為旗州里之所建也鶉火朱鳥宿之柳也其屬

有七星也熊旗六旒以象參伐也

熊虎為旗師都之所建也伐屬白虎宿與參連體而

六星也龜蛇四旒以象營室也

龜蛇為旐縣鄙之所建營室玄武宿也與東壁連體

而四弧旌枉矢以象弧也

觀禮曰侯氏載龍旂弧韜則旌旗之屬皆有弧弧以張弦

為幅有衣謂之韜又為設矢象弧星有矢象妖有枉矢枉矢者蛇形有尾由此云枉矢蓋畫之也

左傳曰均服振振取號之旗

又曰三辰旂旗昭其明也

又曰狄人伐衛衛懿公戰于滎澤衛師敗績滅衛衛侯不去旗是以甚敗

又曰越伐吳王孫彌庸見姑蔑之旗曰吾父之旗也不可以見讎而勿殺

又曰鄭人擊簡子中簡子之肩斃于車中獲其蓬旗

蓬旗

名旗

又曰公孫扈以徒五百人宵攻鄭師取蓬旗於子姚之幕下

又曰鄭伐許潁考叔取鄭伯之旗蝥弧以先登子都自下射之顛

史記曰李斯上書云今陛下建翠鳳之旗樹靈鼉之鼓漢書郊祀志曰武帝將伐南越以牡荆畫幡日月北斗

登龍以象太一

東觀漢記曰耿弇追張步步奔平壽乃肉袒負斧鑕於
軍門而奔勒兵入據其城樹十二郡旗鼓令步兵各以
郡人詣旗下衆向十餘萬輜重七千餘皆罷遣歸鄉里
沈約宋書輿服志曰五旗者五色各一旗以木牛豕承
下蓋取負重而安穩也五旗纏竿即禮記德車結旌不畫
飾也戎事乃散之又武車綏旌垂舒之也

北史曰盧賁嘗事隋文及受禪命賁清宮因典宿衛賁

乃奏改周代旗幟更用嘉名其青龍騶虞朱雀玄武千秋萬歲之旗皆賁所創也

隋書曰凡旗太常畫三辰

日月五星

旂畫青龍

皇帝升龍諸侯交龍

旗

畫朱鳥旌畫黃麟旗畫白獸旒畫玄武皆加雲氣其旌物在軍亦畫其事號加以之雲氣徽幟如之

通帛為旌雜帛為物

在軍亦畫其人官與姓名之事號徽幟亦畫之隨其所事也

旌節又畫白獸而析羽

於其上

又曰司常掌旗物之藏通帛之旗六以供郊丘之祀一

曰蒼旗二曰青旗三曰朱旗四曰黃旗五曰白旗六曰
玄旗畫纘之旗六以充玉路之等一曰三辰之常二曰
青龍之旗三曰朱鳥之旃四曰黃麟之旌五曰白獸之
旗六曰玄武之旒皆左建旗而右建穆戟

又曰有繼旗四以施軍旅一曰麾以供軍將二曰旒以
供師帥三曰旒以供旅帥四曰旒以供卒長

唐書曰元和中淮南節度使馬總進吳元濟旌旗七百
三十九事

家語曰子路言志云願將旌旗繽紛下蟠于地

詩推度災曰上出號令而化天下震雷起而驚蟄睹旗鼓動而三軍駭觀其前動化而天情可見矣

戰國策曰建七星之旗天子之位也

穆天子傳曰日月之旗七星之文

今旗上畫日月及北斗星也

周遷車服雜記曰晋元皇始制五牛之旗設青在左黃在中

六韜曰武王伐紂懸紂之首於白旗

古司馬軍法曰夏后氏玄首人之執也殷曰白天之義

也周曰黃地之道也

旌首有旂曰旂三王所以立不失天地人之道也

章夏后

氏以日月上明也殷以虎上威也周以龍上文也

郝萌占曰旗上有光人主大喜延年益壽

黃公三畧曰欲敵形色可勝之符先戰以二十八騎角

人青衣赤旗東方七人徵人赤衣黃旗南方七人商人

白衣黑旗西方七人羽人黑衣青旗北方七人凡二十

八騎象二十八宿

軍令曰聞雷鼓音舉白幢絳旗大小船皆進戰不進者
斬聞金音舉青旗船皆止不止者斬

王孫子曰桀紂或放南巢或頭懸赤旗斯無他不節財
而暴人也

孫子曰言不相聞故為簧鐸視不相見故為旌旗夫金
鼓旌旗所以一民之耳目也

又曰無要正正之旗無擊堂堂之陣

列子曰黃帝與炎帝戰以雕鷗鷹鳶為旗幟

隋巢子曰天賜武王黃鳥之旗以伐殷

淮南子曰凡國有難君自官名將詔之曰社稷之命在將軍身今國有難願子將而應之將軍受命乃令祝史大小齊三日太廟鑽靈龜卜吉日以受旗鼓

楚辭曰駕龍輶兮乘雷

輶車
轅也

載雲旗兮逶迤

又曰乘迴風兮載雲旗

又曰揚彗星以為旗

又曰乘赤豹兮從文狸辛夷車兮結桂旗

宋玉高唐賦曰晰兮若妖姬揚袂鄣日而望所思忽兮若駕駟馬建羽旗

相如上林賦曰靡魚須之橈旃

以魚須為旃柄
驅馳逐戰也

曳明月

之珠旗

以明珠
綴飾旃

王沉餞行賦曰曳招搖之修旗若蜿蜒之垂天

崔駰東巡頌曰升九龍之華旗

文選曰雲旗拂霓

又曰牙旗繽紛

又曰旌旗拂天

又曰揭竿為旗

又曰曳彗星之飛旗

又曰朱旗所拂九土披攘

又曰朱旗絳天

又曰建祝姑

祝姑
旗名

又曰青霞雜桂旗

旗

釋名曰鳥隼為旛旛譽也軍吏所建也急疾趨事則有
稱譽也

爾雅曰錯革鳥曰旛

郭璞注曰此謂全剥鳥皮毛置之竿頭也舊說刺革鳥置竿首也孫

叔救云革急也言畫急疾之鳥於旛也周官鳥隼為旛也按禮記鄭玄云載之以示衆詩云如鳥斯革今載鳴鶩即此類也自是鳥皮明矣

詩曰牙牙干旛在浚之都

又曰彼旛旛斯胡不旆旆

旆頤垂也

周禮曰鳥隼為旛州里所建也

州長之屬

旄

釋名曰龜蛇為旄兆也龜知氣兆之吉凶建之於後察
度事宜之形兆也

爾雅曰續廣充幅長尋曰旄

郭璞註曰如今幅長八尺者也

詩曰設此旄矣

又曰建旄設旄搏獸于教

周宣王也

周禮曰龜蛇為旄四旂縣鄙之所建也

旄

釋名曰全羽為旒旒猶云偃也順滑貌也

說文曰旒者導車所載全羽允允而進也

周禮曰全羽為旒導車所進

車象路也王以朝夕先出入也

旒

釋名曰析羽為旒旒精光也綏有虞氏之旒也注旒竿首其形索索然也纒夏后氏旒也其貌襄襄也白栝殷旒也以帛繼旒末也翮陶也其貌陶陶下出也

爾雅曰旒首曰旒

郭璞註曰戴旒下竿頭如今之幢赤青旒也

廣雅曰天子之旌高九仞諸侯七仞大夫五仞士三仞
詩曰孑孑干旌在浚之城

又曰悠悠旂旌

禮記曰前有水則載青旌

鄭玄注曰載謂所舉旌首所以警衆者也鄭記王贊問曰

舉旌於首曾皆以皮畫之耶鄭答曰蓋皆置皮於其首不畫羽為旌也

周禮曰析羽為旌游車所建

游車木路也王以田也全羽析羽皆五色文也

又曰掌舍為帷宮設旌門

樹旌以門表

左傳曰鄢陵之役欒鍼見子重之旌謂晉侯曰楚人謂

夫旌子重之旌也

又曰范宣子假羽毛於齊而弗歸

折羽為旌王者游車所建齊私有之謂之

毛羽

又曰楚靈王之為令尹也為王旌竿尹無宇斷之曰一國兩君其誰堪之

又曰衛宣公烝夷姜宣姜與朔構急子公使諸齊使盜待諸隘而殺之壽子載其旗旌以先盜殺之急子後往盜又殺焉

又曰許伯曰吾聞致師者御靡旌摩壘而還

靡旌驅疾也摩近也

公羊曰楚莊王伐鄭鄭伯肉袒左執茅旌右執鸞刀以

逆

何休曰茅旌宗廟所用也為宗廟所用求以宗廟歸首也

史記曰秦并天下以水德之始旌旄節皆尚黑

漢書文帝詔曰朝有進善之旌

應劭注堯設五達之道令人進善也

又曰高祖使韓信與楚戰信潛伏人於楚軍之側既戰
兵遂偽走楚逐之乃令軍拔楚旌立漢旌楚師望見奔
走遂敗楚

後漢書曰世祖進師臨河連旌汭河十餘里

戰國策曰蘇秦為趙合從於楚威王曰寡人西接秦秦虎狼之國卧不安席食不甘味心摇摇然如懸旌

漢武故事曰樂大有方術常於殿前樹旌數百具因令自相擊庭中去地十餘丈觀者大駭

孟子曰齊景公招虞人以旌不至將殺之非其招也夫招虞人以皮冠庶人以旃士以旂大夫以旌况以不賢人之招招賢人乎

管子曰舜有告善之旌示不蔽也

莊子曰楚昭王使屠羊說以三旌之位萬鍾之祿也
抱朴子曰軍術軍始出而旌旗繞竿者急住更待善時
而出軍

天文要集曰翼星明旌旗用

趙氏兵書曰有鳥集將軍旌上將軍增秩祿

文選曰蔽引當旌

又曰旌旗拂天

又曰蜺為旌翠為蓋

又曰蓀橈兮蘭旌

蓀蘇昆切
橈音饒

又曰建虹旌兮威夷

太平御覽卷三百四十

欽定四庫全書

太平御覽卷三百四十一

宋 李昉等 撰

兵部七十二

旆

幟

幡

旒

旄

旒

麾

幢

節

鉞

旂

說文曰旂者旂然垂也

爾雅曰繼旂曰旂

帛續旂末為燕尾也

左傳曰楚令尹南轅反旂

又曰晉楚戰子玉以若敖之六卒將中軍子西將左子上將右胥臣以虎皮蒙馬先犯陳蔡陳蔡奔楚右師潰狐毛設二旂而退之

幟

史記曰沛公祠黃帝蚩尤於沛庭旗幟皆尚赤

又曰韓信伐趙令輕騎二百人人持一赤幟入趙壁拔
趙幟立漢幟

東觀漢記曰漢兵守成都公孫述謂延岑曰事當柰何
岑曰男兒當死中求生可坐窮乎財物易聚耳不宜有
愛述乃悉散金帛募敢死士五千餘人以配岑於市橋
偽建旗幟鳴鼓挑戰而潛遣奇兵出吳漢軍後襲擊破

漢漢墮水援馬尾得出

袁山松後漢書曰赤眉復入長安止桂宮逢安將千餘人攻延岑於杜陽鄧禹以赤眉精兵出在外唯盆子羸弱在長安攻之與謝祿夜戰橐街中鄧禹敗走逢安西與延牙蘇茂李寶戰於杜陽大破之寶茂降牙收散卒還戰寶茂從內拔赤眉旗自立其幟赤眉還驚亂走自投川死者十餘萬人

墨子曰凡幟帛長五丈廣半幅

太白經曰右一將行得水黑幡旗幟圖熊旗額白右二

脚青

將行得火赤幡旗幟圖鶚旗額白右三將行得木青幡

脚青

旗幟圖羆旗額白右四將行得金白幡旗幟圖狼旗額

脚青

白脚

青右五將行得土黃幡旗幟圖虎旗額白左一將行得

脚青

水黑幡旗幟圖熊旗額白左二將行得火赤幡旗幟圖

脚黃

鶚旗額青左三將行得木青幡旗幟圖羆旗額青左四

脚白

脚黃

將行得金白幡旗幟圖狼旗額青左五將行得土黃幡

脚黑

旗幟圖虎旗額青

脚赤

播

釋名曰播幡也其貌幡幡然也

說文曰播幟也

麟角曰信播古之麾號也所以題表官號以為符信故謂之信播乘輿則畫為白虎取其義而有威信之德也魏朝有青龍朱雀玄武白虎黃龍等五播以詔四方詔東方郡國以青龍信南朱鳥西白虎北玄武朝廷畿甸則以黃龍亦以麒麟信播高貴鄉公討晉文自乘黃龍

旛以麾號今晉朝唯用白虎書信旛用鳥取其飛騰輕疾一曰鴻鴈者去來之信也

漢書曰甘延壽出西域部勒行陣別為校尉踰葱嶺入赤谷至鄧支城望見單于城上五采旛幟

又曰武帝伐南越禱太一以牡荆畫旛名曰靈旗

獻帝春秋曰董卓未誅有書三尺布幡上作兩口相銜之字負之於道歌曰布平及呂布殺卓負布者不復見吳志曰陸遜取宜都獲秭歸枝江還屯夷陵守峽口以

備蜀雲長還當陽西保麥城權使誘之雲長偽立幡旗
為象置於城上因遁走

王隱晉書曰河間王伐齊王罔火燒觀閣燬千秋神虎
二宮門罔盜白虎幡唱云長沙王矯詔長沙更以白幡
唱稱大司馬謀反

晉書曰長沙王又攻齊王罔罔令王胡悉盜騶虞幡唱
云長沙王矯詔又稱大司馬謀反助者誅五族

又張華傳曰楚王瑋受密詔殺太宰汝南王亮太保衛

瓘等內外兵擾朝廷大忌計無所出張華白帝以瑋矯詔擅害三公將士倉卒謂是國家意故從之耳今可遣騶虞樞使外軍解嚴理必風靡上從之瑋兵果散及瑋誅華以首謀有功拜右光祿大夫

又曰衛瓘既誅瓘女與國臣書曰先公名謚未顯無異凡人每恠一國蔑然死言春秋之失其咎安在悲憤感慨故以示意於是主簿劉繇等執黃幡過登聞鼓上言論之

又曰楚王瑋之誅二公也守東掖門會駟虞幡出又投
弓流涕曰楚王被詔是以從之

宋書曰元嘉四年車駕出北堂使三更竟更開廣莫門
南臺元法應湏白獸幡銀字磔不肯開尚書左丞羊玄
保奏免御史中丞傅隆以下曇首曰既無異勅又闕幡
磔雖稱上旨不異單刺元嘉元年二月雖有開門例此
乃前事違令今守舊未為非禮其不請白獸幡銀字磔
致開門不時由尚書相承之失亦合糾正上特無問更

立科條

北史曰後魏元孚持白虎旛勞阿那瓌於柔玄懷荒二鎮間阿那瓌衆號三十萬陰有異意遂拘留孚載以輜

音溫

車日給酪一升肉一段每集其衆坐孚東廂稱

為行臺甚加禮敬

晉起居注曰太山左伺承有母云感老君生承承相合貴畫作九龍幡遂聚衆被擒棄市

晉諸公讚曰楚王瑋矯詔害汝南王亮其夜帝臨東堂

張華唱議乃遣左右以白虎旛麾之然後衆散

鍾離意別傳曰意為瑕丘長立春遣戶曹史檀建賞青
情幡白督郵督郵不受建留於家還白意言受他日意
見督郵而督郵謝意言所以不受青情幡者已自有也
意還召建問狀建惶怖叩頭意曰勿叩頭使外聞也出
因轉署主記史假遣無期建歸家父問之曰朝大士衆
賢能者多子何功才既獲顯榮假乃無期寵厚將何謂
也得無有不信於賢主耶建長跪以青情幡意語父

嘿然有頃令妻設酒殺雞與建相樂謂建曰吾聞有道之君以義理殺人無道之君以血刃加人長假無期唯死不還將何以自裁乎酒畢進藥建遂物故

石虎鄴中記曰勒為石虎諱呼白虎旛為天鹿旛

鹽鐵論曰發春之後懸青旛築土牛殆非明主勸耕稼之意春令之論也

軍令曰聞吾鼓音舉黃帛兩半幡合旗為三面負陣
庾肅之教令曰太赦蕩然萬物更新陽旛既建事從寬簡差

可得詢求民瘼撫循物性

旒

周禮曰龍旒九旒象大火也鳥旒七旒象鶉火也熊旒

六旒以象伐也龜蛇四旒以象管室也

龍尾九星朱鳥六星參七星營

室四星

又曰全羽為旒

公羊傳曰諸侯若贅旒

禮含文嘉曰天子之旗九仞十二旒曳地

旗者旌旗也所以別尊卑

序首諸侯七仞九旒齊輜輜車後橫木也諸卿大夫五

仞五旒齊輜士三仞三旒齊首首頭也

廣雅曰天子十二旒至地諸侯九旒至輜卿大夫七旒至轂士三旒至肩

東京賦建神旒之太常

旒

尚書曰武王右秉白旒

孔安國註曰手秉旒有事施教也

又曰羽畎夏翟

雉名可飾旒

毛詩曰建彼旄矣

又曰干旄美好善也衛文公之臣子多好善賢者樂告以善道也子子干旄在浚之郊

左傳曰晉人假羽旄于齊而不歸齊人始貳

漢書武紀曰征和二年更節加黃旄

應劭曰時太子亦發節以戰故加黃

其上以別之

晉書曰王珣字元林弱冠與陳郡謝玄為桓溫掾俱為溫所重嘗謂之曰謝掾年四十必擁旄杖節王掾當作

黑頭公皆未易才也

鬻子曰武王伐紂乃命太公把旄以麾之紂軍反走

列仙傳曰秦文公時有梓樹化為牛以騎擊之騎不勝
或墜髻解被髮牛畏之入河故秦因置旄頭騎使先驅
文選曰羽旄掃電

又曰素旄一麾渾一區宇

洛神賦曰左倚采旄右蔭桂旗

楚詞曰建修虹之采旄

甘泉賦曰流星旄以電燭

又曰建雄虹之采旄

綴繫之文相紛錯也

五色雜而炫耀

衆采雜廁而明

朗

眊

服虔通俗文曰毛飾曰眊

漢魏故事曰與外國節皆二赤眊一黑眊十異於常節
魏畧曰孔明見玄德玄德性好眊時有以旄牛尾見與
者因手自結之亮曰將軍當復有遠志耶止結眊而已

玄德知非常人乃投眊而謂曰以忘憂耳

吳時外國傳曰黑白眊出天竺國

陶公故事曰臣侃奏獻金繕白眊四枚

續異記曰竟陵王誕在廣陵左右侍直眠中夢人告之
曰官須髮為稍眊覺則已失髮矣如此者數十人

俗說曰謝安小兒時便有名譽流聞遠國慕容廆餉謝

白狼眊一雙謝時年十三

一作慕容廆也

魏武與楊彪書曰今贈足下十鈴眊一具

諸葛亮與瑾書曰兄嫌白帝兵非精練到所督則先主帳下白眊西方上兵也嫌其少也當復部分江州兵以廣益之

庾翼與燕王書今致孔雀眊二枚

諸葛亮與吳王書曰所送白眊薄少重見辭謝益以增慙

庾翼與慕容皝書曰今致襦鎧一領兜牟白眊四副又曰今致朱漆鈔二十張絳碧畫播黑眊四副

鈔所諫切

麾

左傳曰楚人謂夫旌子重之麾也

穀梁曰日有食之鼓用牲于社用牲非禮也天子救日
置五麾陳五兵五鼓諸侯置三麾陳三兵三鼓大夫擊
門士擊柝

後漢書曰班超拜為將兵長史假鼓吹幡麾

王隱晉書曰戴洋病亡天神使為酒藏吏受符持幡麾
將士蓬萊諸山五日更生

華陽國志曰曹公察雲長不安使張遼以情問之雲長曰吾極知曹公待我厚然吾受劉將軍恩誓以共死不可背之要當立効報公曹聞而義之是歲紹征官渡遣驍騎將軍顏良攻東郡太守劉延於白馬公使雲長為先鋒雲長見良麾策馬刺良於萬衆中斬其首還遂解延圍公即表封為漢壽亭侯重加賞賜雲長封其物拜書告辭而歸先主也

晉軍令曰兩頭進戰惟視麾所指聞三金音止二金音

還

軍令曰凡戰臨陣皆無誼

音謹譁

音花明聽鼓音謹視幡麾

麾前則前麾後則後麾左則左麾右則右不遵麾令而擅前後左右者斬

淮南子曰譬若軍之持麾者也妄指而亂矣

幢

釋名曰幢童也其貌童童然也

晉公卿禮秩曰安平王孚汝南王亮太傅楊駿義陽王

望齊王罔魯王賈充河間王顥梁王彤秦王東長沙王儀皆給羽葆幢

後魏書曰韓茂膂力絕人尤善騎射太宗曾親征丁零翟猛茂為中軍執幢時大風諸軍旌旗皆偃仆茂於馬上持幢初不傾倒太宗異而問之徵茂所屬具以狀對太宗謂左右曰記之尋徵詣行在所試以騎射太宗深奇之以茂為虎賁中郎將

兵書曰赤幢常在將所不得動搖赤者火也火土之母

故軍主長服赤幢

節

周禮曰守國者用玉節守都鄙者用角節掌邦國之使者用虎節土國用人節澤國用龍節

皆金為之

門戶用符節

貨賄用璽節使用管節道用旌節

以竹為之

漢書曰蘓武在匈奴北海牧羊起卧操節

又曰張騫使月支匈奴得之留騫五六年漢節不失

東觀漢記曰鄭衆謂匈奴曰不忍將大漢節封疆表也

唐書曰潁王璪為蜀郡都督璪性儉率將渡綿州江登舟見以綵緣席為藉者顧曰此可以為寢處奈何踐之命撤去之璪初奉命之藩卒遽不遑受節綿州司馬史賁進說曰王帝子也且為節度大使今之藩而不持節單騎徑進人何所瞻請建大紱蒙之油囊為旌節狀先驅道路足以威衆璪笑曰但為真王何用假旌節乎

鉞

釋名曰鉞豁也所司莫敢當前豁然破散也

字林曰鉞玉斧也

開元文字云斧也或為鉞

尚書牧誓曰王左杖黃鉞右秉白旄以麾曰逝矣西土之人

又顧命曰一人冕執劉立于東堂一人冕執鉞立于西

堂

云冕皆大夫也劉鉞屬也立於東西廂之前堂

詩曰武王載旆有虔秉鉞如火烈烈則莫我敢遏

虔固也

禮記曰天子賜諸侯樂則以祝將之賜伯子男樂則以

叢將之諸侯賜弓矢然後征賜鈇鈇然後殺賜圭瓚然後為幣

又曰軍旅鈇鈇先王之所以飾怒也

又曰是故君子不賞而民勸不怒而民威於鈇鈇

左傳曰魏絳至授僕人書將伏劔士魴張老止之公讀其書曰君合諸侯臣敢不敬君師不武執事不敬罪莫大焉臣懼其死以及楊干無所逃罪不能致訓至於用鈇臣之罪重敢有不從以怒君心請歸死於司寇也

又曰將戮慶封椒舉曰臣聞無瑕者可以戮人慶封唯
逆命是以在此其肯從於戮乎播於諸侯焉用之王弗
聽負之斧鉞以徇於諸侯

又曰其後襄之二輅鉞鉞鉅鬯彤弓虎賁文公受之以

有南陽之田

晉文
公也

史記殷本紀曰當是時桀為虐亂嬖荒耽酗于酒不修
厥政天下叛之而諸侯昆吾氏為亂湯乃興師率諸侯
伊尹從湯湯自把鉞以伐昆吾遂伐桀

又曰紂囚西伯於羑里西伯之臣闕夭之徒求美女奇物善馬以獻紂紂迺赦西伯西伯出而獻洛西地以請除炮烙之刑紂乃許之賜弓矢斧鉞使征伐

又周本紀曰紂之嬖妾二女皆經自殺武王又射三發擊以劍斬以玄鉞

又曰周公旦把大鉞畢公把小鉞以夾武王

漢書刑法志曰大刑用甲兵其次用斧鉞中刑用刀鋸其次用鑽鑿薄刑用鞭朴

後漢書郭躬傳曰竇固出擊匈奴騎都尉秦彭為副彭在別屯而輒以法斬人固奏彭專擅請誅之顯宗乃引公卿朝臣平其罪科躬以明法律召入議者皆然固奏躬獨曰於法彭得斬之帝曰畢征校尉一統於督彭既無斧鉞何得專殺人乎躬對曰一統於督者謂在部曲也今彭專軍別將有異於此兵事呼吸不容先關督帥且漢制祭戰即為斧鉞於法不合罪帝從躬之議

吳志陸遜傳曰遜假節鉞為大督逆曹休斬獲萬餘

吳錄曰假陸遜黃鉞吳主親執鞭以見之

晉書天文志曰天槍三星在北斗杓東一曰天鉞蓋天之武備也

又曰參十星一曰參伐一曰大辰一曰天市一曰鉞鉞主斬刈

又曰青龍三年六月丁未鎮星犯井鉞占曰為兵氣也
又曰甘露元年七月乙卯熒惑犯井鉞占曰並有兵事
唐書曰天寶中制黃鉞古來以金為飾金者應五行之

數有肅殺之威失金稱黃理或未當其鉞宜改為金鉞
副鉞威武之義焉

司馬法曰夏執玄鉞

崔豹古今輿服注曰元鉞諸公主得建之武王以黃鉞
斬紂故王者以為戒太公以元鉞斬妲己故婦人以為
戒

博物志曰武王伐紂度河大風波武王操鉞秉麾麾之
風波立霽

正部曰奔逃之士不避斧鉞

張平子西京賦曰於是蚩尤秉鉞奮鬣被般禁禦不若以知神姦

張平子東京賦曰總輕武於後陳奏嚴鼓之嘈囂戎士介而揚揮載金鉦而建黃鉞

又曰方秉鉞巫覡操荊桃弧棘矢所發無臬

又曰我世祖忿之乃龍飛白水鳳翔參墟授鉞四七共工是除


潘元茂冊魏公九錫文曰錫以二輅虎賁鈇鉞

陳孔章檄吳將校部曲文曰丞相秉鉞鷹揚順風烈火
元戎啓行未鼓而破

又曰伏鈇嬰鉞首腰分離

范蔚宗宦者傳論曰梁冀受鉞迹罔公正思固主心故
中外服從上下屏氣

曹植王仲宣誄曰我公奮鉞耀威南楚荆人或違陳戎
講武



太平御覽卷三百四十一